

終南八祖說心印妙經解

終南八祖說心印妙經解

爾時

東華帝君

正陽仙主

道極天尊

孚佑上帝

普鍊祖師

光垣尊仙

妙法元君

瑤華仙子在道禪境下寶覺壇中蓮花錯落白鶴繽紛有修玄

道藏

玉皇心印經解

二

箕集九

諸弟子望空稽首誓願修行於是

諸天尊降蓮臺而說心印經曰人生天地萬物之靈惟心印道
惟道印心印無所印心無所心心印於事厥體必紛心印
於物厥體必淫於無印印於無心心從無宅印從無精
一靈不昧善果臻身夫人有心而自失之人能印而自棄
之失非其失則可有心棄其所棄則可能印若善男子信
女人日持此經卽知其心既知其心卽知其印既知其印
卽知非心有心既知非心卽知有印非印印不印印心無
心心真神真氣合我真精一元三品是印是心斂情斂意
忘見忘聞青龍攬海白虎歸林坎離成象日月分明子午

火起卯酉爐停三年乳哺一紀飛昇如此真道名得真心
真心一得七竅皆靈惟靈則靜敬爲靜根主敬守一自然
印心印心心印妙哉真經

諸天尊說經已畢修玄弟子各各踴躍歡喜稽首謝恩於是
天尊齊齊拱手而說偈曰

混沌乾坤一氣分

真精妙合產蒼生

性中有性歸原性

心外無心去妄心

若得道時勤鍊度

倘離經處自紛更

我今普勸修玄士

立志修玄玄便真

11

11

1011